



UNIVERSITÄTS-
BIBLIOTHEK
PADERBORN

**Princeps Christiano-Politicus Septem donis Spiritus sancti
instructus Anno M.DC.LVI.**

Faust, Reinhard

Herbipoli, 1667

Caput IV. Pietatis neglectæ Effectus.

Nutzungsbedingungen

[urn:nbn:de:hbz:466:1-55326](https://nbn-resolving.org/urn:nbn:de:hbz:466:1-55326)

curiorque rebus in adversis assi-
 stentia, occultis machinis con-
 cutiat, Principem erudit & in-
 cendit Atheismus. Hac in Deū
 hominesque perfidiæ contagio-
 ne infectus magistratus Eccle-
 sias affligit, divini ministerii ædi-
 timos despicit, ignaros, elatos &
 impios sacris cathedris rectores
 præponit, ut paulatim & passim
 cultum divinorum converti vi-
 deas in luxum impiorum.

CAPUT IV.

Pietatis neglectæ Effectus.

FUERE olim Reges populi, Re-
 ligionis quoque Principes; &
 sanè etiamnum regis artis opti-
 mum instrumentum religio est,

ejusque observantia, fortunæ
 pignus, potentiaæ peculium opu-
 lentissimum est. Prô Deum im-
 mortalem! quàm multa regna
 perierunt, quia pietatem, affli-
 ctis ministris, exilio multatis,
 Ecclesiis spoliatis & vastatis pro-
 scripserunt. Augusta regum for-
 tuna, ut pietate conservatur, ita
 impietate evertitur. De gentili-
 bus quid dicam? qui, quamdiu in
 Deos, in patriam, in parentes pi-
 fuerunt, tamdiu floruerunt! Ma-
 chabæi felices, quamdiu pietas
 erga Deum, & amor legis mili-
 tiam comitati sunt, fuerunt
 quando cessavit pietas, inito
 cum impiis foedere, inito cum
 fucis & propriâ gloriâ pacto
 omnis felicitas emarcuit. Micai

pſæ Regis filiis pro hæreditate
 relicta est charitas. Hæredes pii
 regnum firmum, impii imbecil-
 lum faciunt. Pietate res parvæ
 crescunt, impietate maximæ di-
 labuntur. Si pius in Deum Prin-
 ceps est, si fidelis est Deo, plebs
 in Principem pia erit, eique fide-
 lis; remp. splendidam morum
 honestas, strenuum Imperato-
 rem in optimos imperium com-
 mendat: Ūtrumque in angelo-
 rum custodia & in constanti di-
 vini Numinis tutela conservat
 pietas. Sic Theodosius & Valen-
 tinianus suas resp. à pietate in
 Deum firmaverunt. Tantæ pro-
 fectò potentix pietas est, & vel
 ipsum ejus nomen prodesse vi-
 deatur: quinimò, si non esset

198 DISCURSUS VI.

Deus, fingendus esset, ut pietatis cultu eidem exhibito populus coërceri possit. Idcirco omni imperio conjungenda est pietas. Neque unquam ab omnium Principum Monarcha politicus Princeps separare sese, nisi veluti perduellis divinæ majestatis læsæ reus, & pœnam confiscationis, & pœnam capitis incurrere velit, debet: caveat, ad pietatis exterminium, viam, hæresim, quæ dum Dei veracitatem tollit, ipsum Deum de mendacio, de infidelitate, atque de variis erroribus arguit. Quo quid sceleratius? quid ad regni sui eversionem efficacius? Novæ religionis sectatores & patroni si placent, nova methodus perturbandi
bandi

bandi regna, nova impietas placet. Sacra profanis continuo commisceri videbis, aras in harras, templa in stabula, verum Dei cultum in ludibrium, religionem in vanissimas opiniones & superstitiones converti experieris; Si dissimulas majorum pientissime instituta religionis asceteria, impio ipse ausu contemeras. Attende tibi & tuis ex hac Atheismi semente natis ministris. Consceleratissimi sunt, qui, quæ ad Dei servitia destinata fuisse sciunt, suadent, ut ad profanos usus traducantur: Mitra gemmis, pedicibus, choristipendiis ditescere, est ad incitas redigi. Aerarii augmenta è sacrâ suppellectili conflata sunt

200 DISCURSUS VI.

ejusdem decrementa; neque facta jurium ignorantia, simulata laxioris vitæ correctio, prætextum majoris boni studium istis rerum sacrarum abusibus justum præbent titulum. Qui hac methodo utuntur consultores, & rei sacræ sunt avarissimi competitors, & regis regnique perversissimi proditores: qui has voragines suo in regno tolerat Princeps, interibit. Quod ne fiat augendo Dei & religionis cultui sedulo invigilet, lupos arceat, utiles & patriæ & patrii idiomatis gnaros, literis virtuteque excultos ministros adhibeat & conservet. Cæterum, ut hæc religionis pietatisque cura pium decet Principem, ita Christiania-

stiano Politicum addecet, ut ex
 amussi ad assem pius sit: veniam
 dare, iram frenare, furorem ne-
 scire necessarium est, ne corre-
 ctor popularium errorum se
 præbeat corrigendum: qui ma-
 ximâ uti posset licentiâ, utatur
 minimâ, ne unica voluptas ex-
 hauriat, quod inopiæ, fidelitati,
 fortitudini, calamitatibus &
 vulneribus multorum debetur.
 Verbo: liceant multa, libeant
 pauca. Qui omnibus daturus
 putatur, avaritiam opprimat,
 nec unquam, nisi promissa ser-
 vare decreverit, promittat. Tur-
 pissimum namque est regi, pro-
 missa non servare, turpissimum
 est, rerum cupiditatem, quæ
 omnium malorum caput est, ex

quo vitiorum cæsaribus pendet,
alere: Vindex sanè scelerum esse
non potest, qui vitiorum ma-
trem fovet avaritiam.

CAPUT V.

Pietatis Efficacia.

Mirum, quanta vis ad omne
bonum augendum, & ma-
lum avertendum pietati insit,
maximè Regiæ: Regis pietas
malorum subditorum pharma-
cum est; Regis pietas lex est be-
nè ac beatè vivendi omnibus;
Regis pietas justitiæ & regni fir-
mamentum est: Lasciviens regis
oculus eum ut lenonem exponit
infamiæ, iracundia intempesti-
vior ut crudelem diffamat; ava-
ritia